

# «A Trun sut igl ischi» – La fundaziun da la Lia Grischa (1424)

■ L'onn 1395 è vegnida fundada a Glion la Lia Sura. L'onn 1424 han l'avat da Mustér Pieder de Pultengia ed ils signurs Hans Brun de Razén e Hans de Sax-Mesauc renovà questa lia a Trun e fundà uschia la Lia Grischa.

## Lia Grischa (Lia Sura)

La Lia Grischa – numnada oriundamain Lia Sura – è sa constituïda tras l'uniun da 21 cumins da las vals dal Rain Anterior e Posterior, dal Mesauc e Calanca. Trais chaus feudals da la Val dal Rain Anterior, numnadamain Johannes von Ilanz, avat da Mustér ed iniziant principal, il barun Ulrich II de Razén ed il barun Albert de Sax-Mesauc èn s'unids ils 14 da favrer 1395 cun deputads dals cumins a Glion en ina lia perpetna, a la quala èn s'associads tschintg dis pli tard era il cont Johann de Werdenberg-Sargans cun ils Libers da sur il guaud (da Flem).

Il motiv per quest'allianza è stà ina seria da charplinas tranter ils signurs de Belmont, Werdenberg e Razén e l'uvestg da Cuira, ma era entaifer la noblezza basa. Il mastergn, il commerzi ed il traffic avevan qua tras subi gronds donns. Cun la lia stipulada a Glion vulev'ins restabilir la segrezzza sin las vias, possibilizar il commerzi ed il traffic liber e garantir il dretg da l'um cumin davant dretgira. Las cunvegnes per il mantegniment da la pasch publica cumpigliavan puniziuns severas per assassinats, ladermitschs ed incendis. Ils 4 d'avrigl 1399 è era il signuradi dal Crap S. Barazi, suttamess al cont de Werdenberg-Heiligenberg, s'unì cun sia glieud a Trin e Termin e cun la duana a La Punt/Rehanau a la Lia Sura. Ils 24 da matg 1400 è la Lia Sura, che cumpigliava ussa tranter auter l'entira Val dal Rain Anterior, s'accordada cun Glaruna da garantir als martgadants e commerziants da muvel glarunais la segirtad sin las vias da pass vers il sid (Veptga, Pass dal Lucmagn, Cuolm Val).

Ils 16 da mars 1424 è la Lia Sura vegnida reaffirmada, approfondada ed amplifitgada a Trun sut l'ischi legendar, e sa numna dapi alura Lia Grischa. Il num deriva probablamain dals vestgids producids dal pomin grisch per l'um cumin, pli tard è l'alura vegni attribuì a tut il Grischuns ed al chantun Grischun. Ultra dals trais signurs feudals principals avevan ussa era las vischnancas ed ils Libers da sur il guaud ina represchentanza pli ferma a Trun. Ils conclus dal 1395 èn vegnids amplifitgads cun resoluziuns d'admonizun e d'agid vicendaivel, per garantir la proteczion dal possess ed ina meglra giurisdicziun. Trun è vegni designà sco sedia d'ina dretgira imparzialia da la Lia Grischa che serviva da dretgira d'appellaziun. Da las traís Lias reticas, reunidas il 1524 en la Republica da las Traís Lias, possedeva mo la Lia Grischa ina pussanza giudiziala centrala; ella è era stada la suletta ch'aveva introduci ina giurisdicziun civila unitara.

Il 1424 èn s'associadas era la Val dal Rain Anterior, la Mantogna-Tusaun, la Val Schons ed il Valragn cumplainamain a la Lia Grischa. Cun ils pass da transit dal Spleia e dal S. Bernardin, che colliajan, ultra dal Lucmagn, il territori da la Lia Grischa cun il sid, ha quella cuntaschiè dapli impurtanza geostrategica. Cun il consentiment dal cont Johann de Sax è la partura dal Mesauc entrada ils 23 d'avrigl 1480 en la Lia Grischa ch'ha rinforzà la collauraziun en il territori retic cun sa coliar cun parts da la Lia da la Chadé (1406 e 1425), cun Cuira ed ils Quatter Vitgs (Eigias, Zerzas Termin, Vaz Sut, 1440) e cun la Lia da las Diesch Dretgiras (1471).

La Lia Grischa è daventada la forza principala en las activitads exterioras da l'entir Grischun (campagnas militares en Vuclina 1486-87, contract da mercenariat cun la Frantscha 1496, alliance cun la Confederaziun 1497, campagnas milanesas 1512). Ina lita cun la Lia da la Chadé per la precedenza è vegnida reglada il 1550 cun in compromiss: en missiuns a l'exterior ed en campagnas militares aveva la Lia Grischa ina posizion da



Fundaziun da la Lia Grischa. Maletg en la Cuort Ligia Grischa a Trun (enturn 1700).

preferenza; en dumondas da sigillaziun eran las duas lias da princip equalas, en la pratica aveva dentant la Lia da la Chadé cun ses bundspresident in avantatg, perquai che Cuira era pli savens il lieu da reunions dals deputads esters.

Entaifer la Lia Grischa avevan las regiuns dals anterius chaus feudals principals (Cadi, Lumnezia-Foppa-Flem, Vuorz-Sursaissa-Razén) in ferm surpaïs politic, perquai che mo glieud da questas traïs regiuns aveva da vegl ennà il dretg d'acceder en roda da dus onns a l'uffizi suprem dal landrehter (chau-derschader e chau-lia). Famiglias d'autras regiuns transferivan perquai savens lur domicil en ils lieus cun tals privilegis. Il 1798 è sparida la Lia Grischa sco part dal Stadi liber da las Traís Lias, ella ha però survivi sco part da l'organizaziun politica dal chantun Grischun dal 1803 fin il 1851/54.

Martin Bundi

## Johannes von Ilanz

Avat da Mustér dal 1367-1401, numnà *filius domini Enzii Maradie*. Suenter l'assassinat da ses predecessur, Jakob Buchhorn, tras glieud da la Chadé e l'incendi da la claustra e da la baselgia (1387), ha Johannes von Ilanz restaurà la claustra. El ha revocà la concessiun contestada da las minieras da Medel ad habitants da la Sviza Centrala ed ha dublò il 1371 il pegin als Bleignais per las alps claustralas sin il Pass dal Lucmagn, nua ch'el ha fundà il 1374 in ospizi. Il 1376 ha el confermà in allianza da transit tranter la Cadi e la Val dal Bleign, rinforzond il movement communal (participaziun dal mastral e dals ministerials); il 1395 è el stà in dals confundaturs da la Lia Sura/Lia Grischa (dals signurs) a Glion (amplifitgada il 1424 a Trun). Cun la Cadi èsi reussì a Johannes von Ilanz il 1401 da liberar la claustra da l'avugadia dals Werdenbergs.

Ursus Brunold

## Albert de Sax (Mesauc)

Attestà per l'emprima giada il 1395, † 1406. Figl da Caspar. Frar da Johann. Albert de Sax è sa participà cun ses signuradi da la Lumnezia, da la Foppa e da Flem al sistem d'allianza ch'è sa constitui enturn il 1400 en las vals dal Rain. Ils 14 da favrer 1395 ha el conclus in'allianza cun l'avat e la vischnanca da Mustér sco

ra. Suenter il 1350 han ils de Razén extendi lor domini vers la Surselva, la Tumleastga e la Mantogna. Il representant il pli impurtant da la famiglia è Ulrich II. Lungas charplinas cun l'uvestg da Cuira (oravant tut per il domini en la Tumleastga e sin la Mantogna) a la sava dal 15avel tschientaner han consumà dal tuttatafatg las forzas militares ed economicas dals baruns e terminà lor fasa da success. Il 1395 han las charplinas surmenziunadas manà a la fundaziun da la Lia Sura (dals signurs), la precursura da la Lia Grischa ch'era ils baruns de Razén han affirmà tras egiramant a Trun il 1424. Suenter la mort da Gieri (il davos representant masculin da la famiglia) l'onn 1458, è il signuradi da Razén vegni dividì.

Linus Bühl

## Pieder de Pultengia

Menziunà per l'emprima giada ils 11 da novembre 1398, † 17 da decembre 1438. Figl da Claus, chavalier. Attestà en ils onns 1398-99 sco custodi da la claustra da Mustér, da la quala el è stà avat dal 1402-38. Pieder de Pultengia ha laschà renovar la baselgia da S. Maria, donnegiada tras l'incendi dal 1387, sco era la chaplutta da S. Gada. En la liturgia quotidiana cultivava el la spiritualità benedictina. En il grond schisma è Pieder de Pultengia stà indecis; el ha probablamain assistì al Concil da Constanza ed ha laschà confermar il 1418 ils privilegis da la claustra tras il papa Martin V. Il 1408 ha el obtegnà la renconuscientsha dals vegls dretgs claustrals da vart dal retg Ruprecht, il 1413 ed il 1433 era da vart dal retg Sigismund ch'ha probablamain exprimì uschia sia apprezzaziun per l'ospitalitat concedida ad el durant sìas campagnas en l'Italia.

En las Guerras appenzellaisas dal 1403 ha Pieder de Pultengia prendì partida per Sviz. Il 1406 ha el negozià cun Bleign, ensemble cun la vischnanca da Mustér, davart la renovaziun dal contract da traffic dal 1376. Il 1407 è el entrà cun Uri en in dretg territorial, senza pudair garantir duraivlamain la Val d'Ursera a la claustra. Dal 1412 fin il 1419 han entretschaments en la Faida da Razén turmentà l'avat e l'abazia. Cun l'avat Pieder de Pultengia sco emprim signader è la Lia Grischa vegnida renovada ed amplifitgada il 1424 a Trun. En il spiert dal movimenti communal per la pasch dal pajais ha el intermedià cun success suenter il 1424; percuter n'ha el betg pudi sa retrair dal tuttatafatg dals cumbats politics per la pussanza. Il 1425 ha el sustegnì cun truppas da l'abazia e da la Lia Grischa ina campagna da Confederados en la Val d'Ossola. Perquai han quels da la Sviza Interna obtegnì reduciuns da dazi fin a Milaun era per l'abazia. Cunquai che Pieder de Pultengia ha promovì, sco ses antecessur Johannes von Ilanz, il svilup communal, proseguind ina politica d'allianzas, ha el appartegni als avats da Mustér ils pli impurtants. Ad el ha Ludovic Hendry deditgà ses roman istoric «Pieder de Pultengia» (1964).

Florian Hitz

## (Brun) de Razén

Famiglia da libers d'alta noblesza dal 12-15avel tschientaner, extinguida il 1458. Numnada tenor il chaste da Razén, attestà per l'emprima giada il 1282. Tudest Rhäzüns; la scripziun «Räzüns» è antiquada. Il num da famiglia Brun deriva probablamain da barun (il stan ierarchic-social dals Razén). La derivanza da la famiglia n'è betg clera. A partir da la mesadad dal 13avel tschientaner era ella ina da las famiglia noblas las pli respectadas en la Rezia. Ils baruns, versads en faidas, èn vegnids engaschads en ils onns 1330 l'emprim da l'uvestg da Cuira per cumbatter cunter Donat de Vaz, alura da l'avat da Mustér cunter ils Quatter Chantuns. Da quel temp enavant è creschida la paisa politica e militara da la famiglia.

En il 14 e 15avel tschientaner era ella parentada cun ils signurs de Sax-Mesauc, ils Orellis, Belmonts, Montalts, Matschs, Werdenbergs e Stoffeln. La fossa dals baruns de Razén sa chattava a Razén, sper l'anteriura baselgia parochiala da S. Paul. Il signuradi da Razén vegniva dà en ierta mintgamai mo ad in sulet member da la famiglia. L'emprim representant attestà da la famiglia è Arnold (menziunà il 1137-39). Cun Heinrich III, *nobilis vir* (menziunà il 1251-88), èn ils de Razén daventads pli perceptibels: quel ha manà ina coalizion da nobels retics cunter l'uvestg da Cuira ch'è vegnida battida il 1255 a Domat. Sia fossa aveva el tschernì il 1288 en la catedrala da Cui-

d'avrigl, Jörgentag), ma vegniva salvada de facto il pli savens il matg. Questa dieta era responsabla per la legislaziun (ad referendum) e per affars administratifs currents. Ella era l'autoritat electoral da la Lia Grischa, repartiva las entradas ed expensas sin las dretgiras autas, classifitgava ils plis ed exercitava la dretgira da cumpromiss. Sco autoritat politica cumpigliava ella il landrehter, ils 27 mess ed ils traïs chauslia envidads, e sco dretgira d'appellaziun sa cumpóniva ella da 18 commembors sur il presidi dal landrehter.

Adolf Collenberg

## Chaus feudals da la Lia Grischa

L'avat da Mustér ed il signur da Razén proponivan en roda quatter, il barun de Sax(-Mesauc) traïs candidats per l'elezioni annuala dal chau da la Lia Grischa, fundada il 1424. La dieta da la Lia Grischa elegeva alura in da quels candidats sco chau-lia/landrehter. A partir dal 1538 avevan las dretgiras da la Lumnezia, da la Foppa e da Flem en roda il dretg da proponer in candidat sco chau-lia, re-salvà fin alura a lur signur feudal, il barun de Sax(-Mesauc). Dapi il 1702 stueva l'administratur austriac da Razén prestar sarament sin la constituzion da la Lia Grischa per pudair far diever da ses dretg da proposta (snegà ad el sulettamain il 1701). L'elezioni dal landrehter aveva provocà savens tensiuns in ils cumins patritetics (Lumnezia, Foppa, Flem), perquai ch'ils catolics pretendevan, sper ils dus chaus-lia refurmads da la Lia da la Chadé (il buntspresident) respectivamente da la Lia da las Diesch Dretgiras (il buntslandamma), almain in chau catolic per la Republica da las Traïs Lias.

Adolf Collenberg

## Dretgira d'appellaziun: Lia Grischa

Enconuschensta dapi il 1395, cun carater da dretg public en la Lia Grischa dapi il 1424. Attestada il 1438 per l'emprima giada sco «Dretgira dals 15», prediada cun la chau-lia (landrehter). Attestada già enturn il 1490 sco dretgira d'appellaziun per cas civils ed extendida il 1529 a 18 commembors. Ella sa radunava al term s. Gieri (23 d'avrigl) en l'anteriura curt claustral a Trun e, tenor basen, era utrò (per exemplu a Tusaun u Andeer). Fin enturn il 1500 è ella stada l'emprima instanza, sch'ina dretgira era sezza partida, a partir dal 1535 mo ina curt d'appellaziun. Ultra da quai survegliava ella l'execuzion correcta dal dretg da la Lia Grischa e da la Brev da federaziun dal 1524 (mo en la Lia Grischa).

Adolf Collenberg

## Vopnas: Lia Grischa

L'emblem original da la Lia Grischa era probablamain ina crusch d'aur e d'argent cun bratscha fin a l'ur sin fund cot-schen – ina copia da la crusch imperiala che punctuava l'appartegniantscha a l'Imperi respectivamain la loialitat dals emprims manaders da la Lia Grischa visavi quel. Già enturn il 1500 vegnivan duvradas duas furmas da vopnas: ina da quellas represchentava ina crusch alva e grisch sin fund cot-schen, l'autra in scut sfendi en grisch ed argent. Omadas èn vegnidas duvradas fin en il 19avel tschientaner. Il grisch da la Lia Grischa è vegni remplazzà il 1564 per motifs eraldis cun nair (cf. sala dal cussegli a Tavau).

En il 17avel tschientaner ha il cot-schen imperial fatg plazza ad in grisch u nair argientà. Il portensanza è s. Gieri.

Adolf Collenberg

## Lexicon Istoric Retic

Il LIR cumpiglia bundant 3100 artitgels (geografics, tematics, artitgels da famiglias e biografias) davart l'istoria grischuna/retica e la Rumantschia. Editura: Fundaziun Lexicon Istoric Svizzer; versiun online: [www.e-liter.ch](http://www.e-liter.ch); versiun stampada: [www.casanova.ch](http://www.casanova.ch) u en mintga libraria.